

欽定石渠寶笈三編

欽定石渠寶笈三編

圓明園長春仙館藏

皇上御筆

肅徵誌慶

丙辰一冊

綏豐集喜并臣工恭和詩

丙辰二冊

經帷叙首

丁巳一卷

春藻潤畬

丁巳一冊

韶景養和

丁巳一冊

茂苞日固

丁巳冊

綺序含韶

戊午冊

松雲摘藻

戊午冊

仙壺紀勝

戊午冊

幾餘點筆

戊午冊

列朝名人書畫

無名氏沒骨山水

一軸

本朝臣工書畫

綿億畫歲朝圖

一軸

御筆肅徵誌慶 一冊

本幅紙本。摺裝八幅。皆縱四寸。橫四寸五分。
御筆楷書。

夜半廉纖枕上聽。曉來潤景滿中庭。田宜既渥
符農願。占叶知時感。

昊靈韻夏流。泉破溪綠煙含芳草入簾青。土融恰利

新耕者。喜氣應敷遠近垌。
對雨。仲春喜得雨如

膏。麗景天成不易遭。潤透平疇盈一尺。波添曲

沼漲三篙。桃蹊濕霧。含朱靨。柳岸凝煙。拓翠絛。
慰矣。欽哉。增感惕。力田終歲。念民勞。麗景軒
賞雨。

天澤連綿降。甘膏已遍含。深滋優廣甸。晝晷層嵐。

霧重花初放。煙凝柳益酣。今春蒙透潤。風景似

江南。復雨。冬雪春膏盈尺酣。兆符耕九慶餘三。

連番霖霖田疇渥。應候滋培稼穡甘。佳澤覃敷

四時首。

帝恩普錫萬方湛。

聖誠昭格

天心佑海甸。盈寧擊壤談。

喜雨

佳澍連番沐。透滋今

春潤景得常披。東郊播種一犁早。南畝親耕十

日期。

帝澤無涯民普渥。

天顏有喜子先知。對時茂育欽

嘉佑。益感

深恩益敬寅。

清明前一日雨。

藉田甫播種。繼雨荷

神庥三月符農諺。一春沐澤優。幸茲逢日肅。得此顧
何修。誠敬遵。

庭訓虔希甘澍周。

喜雨。

四山風送山雨急。潤繼前宵。

遍原隰。當春此景不易逢。貽我來年收玉粒。松
濤合。煙盈階墀。霧沉風定。雲無隙。樓頭靜對慰
寸衷。遠阡宿麥增新碧。對山樓雨。離畢逢春季。知
時甘雨連森沉。接嶺霧。羃羃隱林煙。嘉霽滋芳
甸。良苗茁甫田。憑輿延潤景。感。

貺倍恭虔

蘇城春雨

甘雨三春足。嘉祥北地稀。如膏增

麥長。似醴助田肥。浹洽土全潤。滋培候不違。瑞
應均直省。澤喜徧京畿。深透耕耘賴。濃酣霖霽
霏。飛空欣霽霽。灑陌勢湔湔。沐

澤心中惕。承

歡膝下依。九天散珠玉。多士試揚揮。

試得春雨如膏
得稀字八韻

嘉慶丙辰穀雨日御筆。鈐寶二。嘉慶

鑒藏寶璽寶笈三編。石渠寶笈所藏嘉慶御筆之

寶。執兩用中。

御筆綏豐集喜并臣工恭和詩 二冊

〔本幅〕紙本。摺裝二冊。上冊十五幅。下冊二十幅。皆縱七寸一分。橫八寸二分。

御筆楷書。

嘉平十七日。明亮等奏報平隴大捷。獻馘俘囚。喜信至。是日都中普霑瑞雪。喜成十四韻。

天鑒

聖心。萬全奏治平。頑苗歸雅化。

明亮等奏。自攻克緊接平隴之貴魚。

破。後山內有石隆寨。為石柳鄧巢穴。本月初五日。額勒登保帶兵深入。斷其要路。明亮德楞泰由左右山梁。鄂輝由山後。四面兜擒。賊無算。降苗吳老貴等。擒獲石柳鄧之子石老喬。訊供石柳鄧頭受鎗傷。已被官兵集取首級。隨搜獲該犯屍身。寸磔示衆。所據寨落。悉行焚燒。並據石老喬供。吳廷義亦被鎗傷。蹤跡不遠。即可設法就獲。現將石柳鄧首級。傳示黔楚苗疆。再函送京師。並將石老喬石老觀二犯解京。是苗疆一事。仰荷 吳恩助順。皇父睿謨。已慶全行者。時玉徧神京。入冬以來。頻霑雪澤。本日定矣。時玉徧神京。已刻祥雲密灑。直至十八日子時始止。厚積六七寸。得表瑞剛迎歲。定功此時玉可預卜來歲上豐矣。

應洗兵覆巢誅鬼蜮。沃雪繁魑魅。蕩滌邪氛淨。

滋培寶稼榮。千軍歸部伍。三白利耘耕。東作宜
翻壟。南疆罷列營。電馳傳喜信。霄迴布祥雲。片
片黎雲漾。團團柳絮繁。鱗塍增浹洽。鴛瓦疊晶
瑩。圭壁方員合。庭階高下盈。消蝗占渙散。壓瘴
叶師貞。盡沐

昊恩大同欽

帝德宏。民安年兆稔。感謝寸心誠。丙辰十二月中澣

御筆鈐寶二嘉慶

臣工恭和

聖孝昭

天佑湘南喜蕩平。凌晨銀作霰。移晷玉為京。送臘欣
占稔。迎春早罷兵。圖看成蛺蝶。飲笑饜鼯鼯。
列紫唐花艷。棲塋宿麥榮。為紓

一人念。先利大田耕。信已傳梅嶺。歡應沸柳營。鋪
階看玉色。綴樹盡瓊霙。和驗民心洽。喜消

帝慮縈。爭歌

春澤溥。恰慶瑞光瑩。積素三番足。兆豐萬寶盈。

披吟清且吉。

覽揆順而貞。

仰奉

皇恩渥。敬承

昊緯宏。賡颺始今日。藉以達臣誠。臣永璇恭和鈴印。

二臣永璇

聖念湖湘役。苗頑合蕩平。無時釋籌策。有報達

都京為息供需衆。非佳殄寇兵。日戈揮鉞鹿。
天鉞截啼鼙。戰士贏糧喜。功臣列爵榮。正逢霑臘
雪。暢可利春耕。索饗伊耆證。新畬襍禡營。龍
樓飄綵勝。雞樹綴瓊雲。畿輔章先入。封圻
慮所繁。

澤周符浩翰

心洗切精瑩

嗣政期無忝承

恩戒不盈。揄揚欽。

帝德清白。矢臣貞。已豫鋪敦慶。常蒙覆露宏。螭坳
賡載處。即賀敢抒誠。臣永理恭和。鈐印二永
理敬書。

王旅如時雨。蠻荒喜蕩平。風聲馳絕徼。露布達
神京。上將陳俘馘。長河洗甲兵。搜巖窮狡兔。掃
穴盡飛鼯。恰值春將至。欣瞻物向榮。縣區知
飲。

化沃野慶安耕。盡續凌煙閣。功成偃月營。三軍歌
凱樂。六幕灑祥雲。乍見瑤林綴。俄看釵砌繁。
飄花真燦爛。種玉自晶瑩。預卜千箱積。先知
萬畝盈。

大勲徵底定。嘉序叶亨貞。克享

天心協遐敷。

帝德宏豐年。昭

聖武感召在。

精誠臣永璘恭和鈴印二臣永璘敬書 捷音偕

瑞雪送喜正嘉平功建標銅柱膏流滿

玉京光渠齊獻馘苗境已銷兵勁旅殲梟獍餘
波潤鼪鼯貴魚歌大定闕虎沐

殊榮比戶咸安堵遙村盡力耕凱歸衣是錦宵徹柳
為營披靚三天日占豐六出霽好紓

堯念切兼慰

舜心縈

鶴籞花爭發

龍樓色獨瑩。擬珠枝上綴。如露甕頭盈。獲此徵祥疊。端欽

久道貞。止戈人樂溥。迎歲

澤敷宏。遐邇同懽忭。瞻

天達悃誠。臣綿恩恭和鈴印二。綿恩敬書。盛樂歌

旋凱

皇圖繪太平。于時逢瑞牒。有雪綴瑤京。冀野頻占

稔江流正洗兵。疾驅殲孽獍。窮技憫餘甦。勸
莠禾全秀。敷膏稷遂榮。

帝方籌遠軫。農已樂深耕。色冱梅邊榭。歡騰柳畔營。
境清豐與獲。

天喜粲為靈。素纈從飄灑。祥葩故拂紫。鋪來疑玉淨。
聚處共冰瑩。早驗三番足。欣談百室盈。候當
春澤沛。用利武人貞。醜執戈長偃。年康氣益宏。

吟篇紓

睿慮敬和勉輸誠臣綿億恭和鈐印二臣綿億敬書

以上
上冊

天濶

恩威遠風清道路平捷書來驛騎喜色入

都京苗犴頑藏穴軍戡盜弄兵剪兇除猘猱獲

醜執鮪鼉醞釀春前候紛敷六出榮鋪瓊量

厚積賣劍劬深耕共識來牟兆相期餅餌營

室家羣視野蓑笠或粘霰梅蕊

瑤階綻楊絲繡甸紫濃膏青陌渥

瑞靄紫霄瑩功

賞者同懋。倉箱佇並盈。民依

衷可慰。

昊貺道惟貞。祝

聖開筵好。

乘時布澤宏。

作歌欽。

睿念賡和凜。抒誠臣劉墉恭和。鈐印二臣劉墉印。

捷郵彰偉績。序紀月嘉平。邁古苗全靖。綏

時

德莫京。

睿謨皆勝算。編戶不知兵。勁旅張號虎。窮林獲竄鼯。
推堅欣屢克。

申命慶殊榮。烏道盤雲上。魚坡乂土耕。風稜遄掃穴。
露布迅馳營。送喜徵臚頌。占豐浹瑞霽。長昭

皇極會早副。

聖懷縈。鏡吹宣金奏。瑤階徧玉瑩。總干超羽舞。聚米

想山盈。頻叶三登兆。還籌百度貞。

宸章同日麗。

閨澤先春宏。

體

訓承

天貺。咸輸薄海誠。臣胡高望恭和鈴印二臣高望敬

書。捷音馳露布。占候值嘉平。送喜來

金闕飛花正玉京。兆年忻賜臘。助順驗銷兵。入
阻貌兼虎。成擒狄與黠。隴恬農有慶。續挾士
叨榮。豈任嵎能負。應思犢可耕。碣堅無半壁。
湘轉撤連營。既足春融畝。時晴日照翼。敬瞻
宸意慰緣釋。

帝心縈。掃擇除斯淨。堆瓊遠愈瑩。安全知得所。保定
凜持盈。紀瑞呈輝潔。含和協泰貞。

恩膏欽滲漉。

孝治仰恢宏。賡拜隨干羽。虔摠寸草誠。臣童鳳三
恭和鈴印二。臣童鳳三敬書。

聖德

天心契時和。寇亦平。捷音來楚塞。瑞雪降

瑤京。干羽曾沾化。潢池偶弄兵。窟深藏狡兔。山
險匿逃鯢。敵愾齊懷奮。乘危若慕榮。鋤兇同
夏耨。清野待春耕。忽報千村喜。遙聯萬里營。
饒歌方奏律。

鈿砌乍飛雲。遺沴消能盡。餘花散復繁。人占年
大熟。寶比玉全瑩。剪暴祥爭現。綏邦室更盈。
奉三真。罔懈。

得一自常貞。曰肅休徵應如傷。

帝量宏。罄宜申未已。長此薦。

精誠。臣張運遲恭和。鈐印二臣張運遲敬書。王

師蠻觸掃。正值月嘉平。鑿險開邊徼。擒渠獻
上京。民恬三楚戶。寇盡五溪兵。列陣思鳴鶴。

搜巖計伏魅。節逢年。篇轉人。迓物華榮。白雪
歌傳凱。青陽令飭耕。旗寨元濟壘。絮舞亞夫
營。預兆雙歧瑞。先飛六出霙。種田疑玉積。繞
樹訝花繁。露布馳翰羽。雲臺聚琇瑩。連阡欣
已遍。入尺望彌盈。臘去星回次。春來歲會貞。

占豐

仁德溥。振旅

武功宏。

聖孝

皇心協。咸欽感召誠。臣王坦修恭和鈴印。二臣王坦
修敬書。師捷欣逢臘。天山雪陣平。氛纔消
絕域。瑞已應神京。衡隴朝收甲。巴江夜洗兵。
入林搜魃魍。搗穴掃魑魅。官洞無藏垢。叢篁
亦向榮。人皆安堵集。民不荷戈耕。柳色金門
壘。梅花玉帳營。自天聞凱奏。匝地見祥靈。頓
慰

咨謀切尤紆

睿慮縈

啟章光簡素

承

素快晶瑩

靈貺殷敷澤

天庥惕奉盈告豐占叶吉賦律頌居貞

威命當陽肅

神膏布令宏。

一人徵有慶。

奎藻發精誠。臣錢滌恭和鈐印二。臣錢滌印。敬書。
好生原

聖德從逆理當平。火烈方焚石。星飛已報京。
王師非樂戰。

天意願銷兵。早獲梟同獍。遑知鼯與鼯。遊魂難漏。
網。枯木更欣榮。築堵安新邑。荷鋤返舊耕。長。

茲稱樂土。無復見連營。捷恰來。

金闕時逢散玉霏。前朝雲密布。今日雪交紫。臘
瑞三番白。輝騰萬井瑩。自然宜稼穡。預為賀
豐盈。吹律將回暖。

朝元驗起貞。休徵占潤澤。

廟畧仰寬宏。佳節迎開泰。

皇穹佑

至誠。臣達椿恭和。鈐印。二臣達椿敬書。

羽檄傳

奇捷瑤華表太平。豐年歡。部屋吉語達神京。玉帳勞籌筆。銀河自洗兵。先聲動。鶩鴨密網截狐鼯。

帝喜三軍奮。臣叨五等榮。戎行同扶纊。民業早安耕。鏡奏陽春曲。花明上將營。功真符掃擇。瑞恰應飛霽。沴氣南疆靜。清輝

北闕紫。情知添踴躍。目倍快晶瑩。

睿念勤周遠。

沖懷惕捧盈敬之承

吳貺寧爾在師貞江漢經營重

恩威漸被宏憶瞻楊柳徃久已矢忠誠臣吳錫麒恭
和鈴印二臣吳錫麒三天侍學

聖武占師吉農祥告

泰平六軍成

盛績三白被

神京飄灑天公玉飛騰上將兵大田消蚱蜢小

醜縛魑魅。露布郵籤捷。雲旆宿麥榮。羽干今日舞。耒耜隔年耕。喜入純仁賦。威傳馬援營。五溪全掃祲。四野盡霏霽。歸峒人人樂。舍花樹樹紫。幾番降更撫。前度積猶瑩。甲士歌戎愷。丁

化萬邦貞。

室盈飫。甘千畝。普向民情豫。

綏豐

帝德宏。應知嘉瑞集。

昭格本

精誠臣汪廷珍恭和鈐印二臣汪廷珍敬書
彤廷嘉瑞集南徼有苗平密雪敷

畿甸飛章達

帝京農人欣雨玉戰士擬橐兵遠軼鳴岐鳳窮搜
伏穴魃編氓徵利澤上將荷

恩榮地想遺蝗入田思買犢耕花迷三島樹幕撤
五溪營喜氣消千騎

神威召六靈。颺芬隨露布。獻凱逐雲縈。鶩鶩聲相
助。瓊瑤色共瑩。荆黔安作息。婦子慶寧盈。雅
紀優霑渥。師占衆正貞。同昭

天貺溥。共識

聖功宏。時育

齋心潔

皇穹鑒

至誠。臣萬承風恭和鈴印。二臣萬承風敬書。

以上
下冊

鑒藏寶璽寶笈三編石渠寶笈所藏嘉慶御筆之
寶。執兩用中。惟幾惟康。所寶惟賢。嘉慶御覽之
寶。

御筆經帷叙昔一卷

本幅紙本二幅合裝第一幅縱六寸七分橫
三尺一寸

御筆楷書

不到絃歌地重來已隔年
隨兄懷雅訓勗弟勉
成賢師友三天聚兒孫

五代全都蒙

皇父澤惇叙國恩綿
丁巳新正中澣至後天不老

書房作御筆鈐寶三嘉慶謙受益

臣工恭和

講幄重

臨幸春風忽二年徇齊

帝惟聖繼述

子而賢憶舊學加密日新

德克全

謙沖膺

大福奕葉慶延綿。臣永璇恭和鈐印。二臣永璇
大寶授之。

德維清多歷年。既逢

今主聖。敢忘古臣賢。千載興衰蹟。數編書史全。舊

齋蒙

眷眷

深意仰綿綿。臣永理恭和鈐印。二臣永理
駕幸書齋日。規模勝昔年。披文期汲古。承

訓勵思賢節應豐登兆

身膺福壽全

皇情欣顧樂慶瑞永綿綿臣永璘恭和鈐印二臣

永璘敬書

親莅龍飛地祥開

億萬年

宸章仰垂憲

祖訓揭希賢

尚書房舊懸詩幅有努力且希賢

聖製慶節風光麗

重華第祿全。臣民共懽忭。

曼壽頌綿綿。臣綿恩恭和。鈐印二綿恩。敬書。瞻
聖常遊地。

居諸憶昔年。吟情賡。

盛世書味泳。前賢應節春。初啟同堂。

福備全。夕昕蒙。

睿訓經學課。仍綿。臣綿億恭和。鈐印二臣綿億。敬
書。第二幅。縱七寸五分。橫一丈二尺五寸。

御筆楷書

六齡受業隨函丈。師範親承誦簡編。入學經書
資討論過。

庭詩禮賴敷宣。沐

恩澤足光泉壤。聆誨心期法聖賢。養正啟蒙懷昔日。
未聞雅訓廿餘年。原任兵部侍郎覺羅奉碩
亭先生。予受業師也。近蒙

勅旨。追贈太師禮部尚書銜。感

恩成什。丁巳孟夏御筆。鈐寶三萬有同春嘉慶。

臣工恭和

講臣身後蒙

恩澤。

聖念彤闕侍冊編。榮遇更無前史並。

雲章重與昔勞宣。

生知固仰由

天縱。論學還裒得舊賢。惟日孜孜欽。

至詣崇儒

家法萬斯年。臣永璇恭和鈐印。二臣永璇。經帷永

日殷

懷舊

黼展餘閑。尚手編。雖是

聖明

天所縱。不忘講讀力。曾宣。桓榮畢竟資稽古。疏廣何
能獨歎賢。福蔡

恩綸今繼美。

格言還載

幸雍年。

乾隆乙卯仲春幸辟雍。

詔加恩福敏蔡世遠。臣永瑒

恭和鈐印二臣永瑒

聖學精深天所縱。師承猶憶課韋編。追崇碩彥

恩常渥。嘉予儒臣

詔特宣。竟以淹通榮晉秩。亦從親炙勵希賢。依然几

席圖書設。被

澤彌懷授業年。臣永璘恭和鈐印。二臣永璘敬書。
典學殷勤懷曩哲。

宗儒禮數軼前編。曾隨

鶴禁芳型接重聽。

鸞章寵命宣。稽古榮猶承再世。談經人自勉為賢。山
泉占取資深義。

作聖基培億萬年。臣綿恩恭和鈐印。二綿恩敬書。
詔許特褒勤侍從。

章成彌念肄書編六經

敏學尤時課三德儒修本日宣

恩逮前型因翼

聖禮光崇爵為旌賢得親講解歸

陶鑄

教澤均霑溯稚年臣綿億恭和鈐印二臣綿億敬書
兩朝垂念甘盤舊

特晉崇階耀史編

就傳早欽

德宇峻。授經還。即講筵。宣山泉有象。原基

聖。絃誦隨時合。憶賢。

典學日深。師訓杳。

作詩復與溯耆年。臣胡高望恭和鈴印。二臣高望。

敬書。

聖澤推

恩褒故傳

帝心念舊。溯芸編。加銜榮仰。

新綸沛。侍幄勤由。

御藻宣。齒沒於今承。

渥眷。範陳自昔。繼前賢。

日躋無逸。欽。

淵度。積德猶殷。納誨年。臣童鳳三恭和。鈐印二臣。

童鳳三敬書。

御筆楷書。

竟夜廉纖未成寸。敬承

父訓。渥膏祈風。停雨沛欣。徐灑雲密。雷鳴遂暢。揮恰
值辦香禱。

元殿正蒙嘉澍。注王畿。拈吟誌喜。二兄共芒種節前
候不違。五月初八日奉

命偕儀郡王成親王同詣

大高殿等處祈雨。即沐甘膏深透。敬成長句。御筆鈐
寶三嘉慶漱潤。

臣工恭和

聖心軫念民依切。渥澤旋隨。

帝敬祈已見。廉纖中夜集。暢逢滂沛。向風揮明虔。

典重昭三祀。應節歡騰徧。四畿奉

輦。欽瞻徵應協先天。

大德固無違。臣永璇恭和鈐印。二臣永璇。

躬承

訓政籌邦本。靡不宗應。

敬禱祈雨澤未時

心每繫農功甚苦汗頻揮。

升聞隱念歌

蒼字。解釋。愆陽沛赤畿。即驗。

天人相感捷。

君民之理亦無違。臣永理恭和鈴印二臣永理。

宸衷宵旰勤民瘼。望澤情殷。

躬自祈。漠漠油雲隨。

輦至。霏霏甘雨應時揮。

恩膏優渥霑郊甸。禾黍青葱滿

帝畿。大有頻書歸肅若。

至誠感格念無違。臣永璘恭和鈐印。二臣永璘敬
書。重農望雨

皇情切。

齋祓深宮肅禱祈。潤澤醅醕

天貺厚。豐穰景象

御毫揮。麥雲先喜連平野。稼櫛旋看徧近畿。

聖

聖一誠能感格。潛通默應。總無違。臣綿恩恭和鈴
印。二綿恩敬書。民依

軫念求甘澤。禮飭明禋敬禱祈。五夜瞻雲
心倍切。三農趁日汗頻揮。凌晨嘉澍迎

清蹕。亭午濃膏溥

帝畿。迴

輦承

顏知有喜

天人感召理無違臣綿億恭和鈐印二臣綿億敬書

引首

御書念典殷懷

鑒藏寶璽寶笈三編石渠寶笈所藏

御筆春藻潤畬 一冊

〔本幅素牋本。摺裝八幅。皆縱四寸五分。橫六寸。〕

御筆楷書

夜雨誌喜。濃陰已連日。夜半布廉纖。澤溥芳郊。繼寒增春雪。兼敢云豐可兆。最喜潤重添。敬感仍虔籲。

恩施曰肅占。

喜雨。夜雨霏微曉益濃。

天恩深厚得連逢。滋舍卉木敷新景。潤浹田疇慶老
農。穡事符占望。歲美。

聖懷茂對樂時雍。何期又沐如膏澤。喜洽寸忱益靖
恭。舍碧堂對雨。好春蒙尺澤。畎畝屆新耕。霖
霖一犁足。珠璣萬斛傾。滂沱潤根柢。浹洽暢勾
萌。竟日連宵沛。感。

恩本至誠。三月雨收麥。占符吉朔期。
天顏瞻有喜。

帝澤沐無涯。多稼兆成熟。芳郊實透滋。人時欽敬授。
省歲訓恭寅。坐對中心喜。虛堂碧遍舍。

恩膏霑冀北。潤景似江南。汨汨階泉泛。淙淙簷溜酣。
為霖真既足。還願溥和甘。御園徧優渥。月額
荷繁滋。遠岫烟籠髻。平湖霧漾漪。柳蹊迷弱縷。
桃塢濕芳蕤。謝

澤仍祈繼。寸衷綏屢期。見新耕者。仲月之晦。季月
朔。畿甸甘霖慶溥博。我來自東。潤景延綠野。歡

騰正力作。停鞭駐馬問老農。穡事吾欲知其畧。
昨冬瑞雪既應期。今春雨暘又時若。去歲上稔
遍九圍。今年定兆大有穫。老民跪答沐

天恩。農諺允協豐登樂。

太上皇帝澤覃敷。久道化成調六幕。幸生

聖世際唐虞。六十餘年無歉薄。協和綏屢尚

普蠲。元氣醲醇鼓橐籥。惟願君王勉繼承。喜聞善言

心敬諾。嘉慶丁巳清明前一日。御筆。鈐寶一澄。

觀

臣工恭跋

臣聞念用庶徵厥惟暘雨曰肅曰乂時若咸
休而土爰稼穡又因乎五風十雨之得宜以
遂其作甘之性而東作之方興農事其先務
也我

皇上勤求民瘼志切痼瘕昨冬雪澤應時優霑普
被入春以來土田滋潤值西疇耕作之始祈

澤而澤即繼之知時之雨入夜方濃則杜甫
無聲潤物之詞也而且月杪則仲春之澤孔
長月額則季春之膏連霈於是
鑾輿初啟有事

珠邱

蹕路所經時殷詢訪負耒東郊者其耕釋釋如膏
疊布廣潤及乎溝塍猶是堯民擊壤之風也
用康乂民

宵旰勤乎政教。則是

庭訓之親受。而繼述之敬承也。大有之吉。屢慶豐年。久道之成。共臻

盛世。皆由我

皇上以課晴問雨為心。以務本勸耕為急。形諸篇什。與雅頌相表裏。微臣幸忝扈從之班。盥誦循環。曷勝欽佩。臣胡高望敬跋鈐印。二臣望。

前副葉

御書敬授人時

鑒藏寶璽寶笈三編石渠寶笈所藏嘉慶御筆傳
心基命林虛桂靜味餘書室

御筆韶景養和一冊

本幅紙本。摺裝四幅。皆縱一尺。橫一尺二寸七分。

御筆楷書。

長春仙館古今體詩

賜居長春仙館恭紀

毓德鍾祥地。年光六十過。

賜居沐長慶。承澤應春和。孔固徵無極。斯干叶有那。

開韶多喜氣。淑諷播笙歌。
節後隨安寧。

潛邸額隨安。素位存。

夙志福地近百年。何幸蒙。

恩賜。宵旰厘寸衷。敬仰。

立言意。隨遇樂安和。黃屋姑且置。

太上功德巍。禱昧愧難嗣。含碧堂自警。衆綠被陳。

根。含生遂長養。萼蕃沐和甘。清虛羅萬象。習靜。

束身心。曷敢片時放。九宇盡含宏。居高慎瞻仰。

仲春長春仙館遲遲麗日輝仙館淡淡春山
接遠空。悅目和風報花信。關心甘雨助田功。柔
莎入望鋪新碧。乳燕尋芳識舊紅。恰喜趁閒耽
典籍。香清茗熟靜簾櫳。綠蔭軒。綠蔭滿芳園。
品彙多生意。軒庭嘉樹繁。清陰一畝地。對境有
所思。所思在農事。冬雪雖優霑。春膏未蒙

賜。東作方屆期。土潤耕犁試。仰瞻霄漢間。凝盼雲容
萃。溥蔭九有民。豐收誠上瑞。古香齋聽泉疊

石注流水潺湲九曲通。泉聲來澗底。靜籟到窗
中。玉練還疑雨。晶簾乍颺風。鍾期懷雅調。天末
送飛鴻。隨安室對雨。夜半簾纖枕上聽。曉來
潤景滿中庭。田宜既渥符農願。占叶知時感。
昊靈韻夏流。泉破溪綠烟含芳草入簾青。土融怡

新耕者。喜氣應敷遠近垌。麗景軒仲春。喜得
雨如膏。麗景天成不易遭。潤透平時疇。盈一尺。波
添曲沼漲三篙。桃蹊濕霧含朱靨。柳岸凝烟托

翠絲慰矣。欽哉。增感惕力。田終歲念民勞。春
好軒。四時春最佳。得雨春益好。土膏既和。融耕
作今年早。足食小民安。稼穡為國寶。農事始基
之。西成兆溫飽。嘉名實副茲。敬感中心禱。墨
池雲摹帖。明窗下。雲烟裊墨池。毫端仙彩發。紙
上露華滋。硯靜詩初就。甌香心自怡。風光修禊
節。逸趣緬羲之。古香齋。虛窗對清溪。含風碧
紋卷。岸草益敷榮。餘潤分苔蘚。宴坐挹古香。探

討頭性善。澄心屏物。烟我鏡虛明辨。含碧堂
遣興。一碧蘭皋春澤含。夏初微覺欠和甘。授時
有渰羣符願。調幕何能自抱慙。盼雨縈心懷廣
甸。看雲極目注遙嵐。即祈優霈麥秋近。無厭人
情望蜀貪。古香齋書齋十笏地。古香

舊額名。座對碧峯靜。窗俯幽泉清。喬松陰滿砌。耳接
寒濤聲。插架惟冊府。寓目忘俗情。邇日頗望澤。
宵旰百慮縈。屢禱恐致瀆。敬俟

天錫禎 重午日含碧堂作。一雨雖數欠深透。

聖心仍望繼甘霖。罷陳競渡還行賞。後樂先憂。

垂教深。隨安室對雨。雲氣結濃陰。霏微入土深繁。

滋初布澤。暢透願為霖。漫卜豐登兆先舒。

宵旰心。眇躬增敬惕。省歲寸衷欽。綠陰軒即事今。

春好雨繁。生意酣衆綠。嘉蔭滿綺軒。卉木清芬足。入夏澤偶愆。仲月仍連屬。長養恰及時。深幸甘膏沐。繁滋沃黍禾。餘潤及花竹。百穀慶用成。

年登萬寶熟。秋日長春仙館羽衛言從塞上
歸。南窗趁暖坐晴暉。松張綠蓋全舒蔭。菊有黃
華乍吐菲。桂影婆娑留月幌。芸香馥郁散書幃。
漫云幾暇多清興。穡事初成屈授衣。春好軒
歌御園福地慶長春。松棟雲楣仰

睿藻那居仙館沐

父恩。敬闡仁心額春好。元為善長品彙舒肖翹。胞與
萬物徧懷保。穡事始春生氣敷。暢達蕃廡及庶

草六十餘年化育功繁衍箕疇荷

蒼昊。隨安室有會。

聖學本安安。隨處皆實地。顧名悅天和。境遇盡順意。
圓鏡湛然明。物來察理治。蒙

恩賜新居。斯干肯構義。兢業存寸衷。固守金甌器。寅
畏凜淵冰。勤思安處置。朝夕聆

訓言。四端心敬誌。含碧堂即景。門臨碧沼啟書堂。

座近南窗愛景光。時屆深秋懷晚穀。田收多稼

有餘糧。觀文識欲超千古。撫衆心期惠四方。治
理勤求刻無逸。幾間差可玩縑緗。古香齋對
菊展得重陽又一旬。古香相對愛鮮新。寒英肯
向霜中減。冷艷還勝籬畔陳。五柳高蹤應愛菊。
三秋花事盛於春。恰如隱士登金殿。晤坐論心
形影親。嘉慶丁巳仲夏。長春仙館隨安室御
筆。鈐寶三萬有同春。嘉慶御筆傳心基命。

末附設色畫仕女圖四幅。一奕棋。二採蓮。三

插花四理妝無款印

鑒藏寶璽寶笈三編石渠寶笈所藏嘉慶御筆之
寶執兩用中嘉慶御覽之寶

御筆茂苞日固

一冊

本幅紙本摺裝十二幅皆縱三十八分橫六寸八分

御筆楷書

長春仙館頌天地大德四時首春

聖人潛邸毓德養純隨安

室名

境順古香

齋名

道循

繼統立極

廿五居尊

叶

敬

天

法

祖勤政愛民六十餘載

帝德日新鴻稱

太上

訓政頻頻禱昧小子被澤醲醇

賜居福地肯構欽遵竹苞松茂斯干詩陳問

安侍膳定省昏晨承

歡膝下孝奉

君親以

政為政以

心為心叶

康強逢吉

福壽駢臻

九袞百歲暨億兆旬輝煌仙館視此頌言叶

長春

仙館詩。仙館誠福地。四時慶長春。蒙

澤思肯構。心殷德日新。松棟永苞茂。雲楣結樸淳。古
香蘊高遠。圖史席上珍。隨安即本性。頤志涵天
真。

父恩寸衷感。艱哉治理醇。保邦有典則。知人而安民。
顧惟魯鈍質。彊勉副

訓諄。敬述守子職。素位存恭寅。

潛邸游觀地。親承

渥澤洋。經書道高厚。詩禮

訓深長。紺帙包嘉行。芸編蘊古香。就將期益德。

聖教衍光昌。三秋福地總長春。蕃衍都蒙大造仁。

茂育黃華松是伴。蕭森翠竹月為隣。丹楓爛漫
繪崖角。碧沼澄清拍岸濤。緩步軒庭過畧約。拏
舟重欲問前津。插架圖書遍觀摩。愧未能嘉
言心敬仰。

庭訓日親承。

父澤叨深厚。君難凜繼繩。寸衷歸尺度。戒慎益兢兢。
書齋額昔題。誦讀思素位。天和衷自頤。涵養
毓精粹。愧承

恩旨申。九有

命撫字。

德仁久覃敷。黽勉為後嗣。繼述敬不遑。

庭訓心銘記。庶姓普乂安。登豐昭上瑞。致此誠艱哉。
抱蜀慎主器。仲夏莅山莊。通閏時最久。秋末

歸御園滿苑黃華有書室坐隨安

父澤欣敬受觀文淑身心古訓味醇厚不為天下先
保民寸衷守仙館饒生意秋英種最多分敷
宜素節蕃育勝陽和繁艷能連桂清香未數荷
不妨霜點染尚有蝶婆娑細蕊搖閒砌疎枝映
曲阿東籬花更好有暇再吟哦書室清幽十
笏地頭和仍額舊時名光風霽月最高爽察理
觀心悅性情菊友臨窗知素節竹君舞砌報商

聲。寰區民庶寸衷括。所幸秋原穡事成。丁巳仲
秋月御筆。鈐寶一。澄觀。

前副葉

御書竹苞松茂。鈐寶二。長春仙館。林虛桂靜。
鑒藏寶璽。寶笈三編。石渠寶笈所藏。

御筆綺序舍韶一冊

本幅紙本摺裝十二幅皆縱六寸五分橫八寸四分

御筆楷書

味餘書室各體詩

題綿億歲朝圖三友經冬

現歲朝清芬勁節艷初韶
光風幾轉春臺暢彩
筆生生庶卉饒
倣鮑明遠數詩體一心凜恭

寅承

訓思郅治二字仰隨安物理斯賅備三楹苞茂居寢
興誠福地四時無不宜長春蘊精粹五位建極
年繼述遵

先志六合慶教寧絕域置官吏

七德告武成化行若奔驥

八徵歲序調綏屢禾雙穗

九旬衍春暉福厚由德積十全益求安持盈寸衷誌

頤和書室承

恩賜新居題室仍舊額開韶百事佳春和溥
昊澤頤吉養正功操存泯無跡善長德為元庶彙敷

新碧

調御贊樞機廣哉九有宅守

訓切愛民民安足國脉玉燭慶長調厚福根源積

春好軒四序首春本

帝仁長春福地春更好郊原向暖土膏融預識今年
東作早沐澤那居第祿宜簷楣隨處瞻

天藻授時深願韶景和。兵戢農興罷征討。古香齋

芸編遍插架

潛邸日游觀。齋朗宜春煦。窗明納景寬。詩書探最奧。
堂構念其難。夙凜趨庭

訓。已安求益安。冰泮池塘冰漸泮。地氣鼓陽和。向
暖漸成浪。歸原水是波。堅仍依岸曲。薄不礙舟
過。聚散本常理。觀瀾得槩多。福海泛舟春冰
初泮。碧溪盈便泛。蘭橈玉鏡平。景擅園中洲渚。

濶坐如天上。畫圖呈跳波。錦鯉新流煖。滴影青螺遠。嶂清遊覽總。承

皇父澤。願敷多福。遍寰瀛。豐樂軒東郊。初舉趾。心願副軒名。豐樂同豐澤。力田必力畊。觀農尊祖制。省歲體

皇誠。深念民勞甚。穡功不易成。登堆秀山作歌。紫禁御園傳自明。古木葱鬱長發榮。小山峻嶒額堆秀。試登極頂俯京城。首善之鄉沐

恩始既富而教戒浮靡。八旗子弟日繁滋。環拱宮闈。
天尺咫。居中馭外暨要荒。凜

訓敬勤敢不獲。孜孜務盡抱蜀職。覲

光揚烈率舊章。四時首春生物早。王政惟仁及幼老。

青陽暢被庶彙蘇。利我農民心默禱。燕山八

景。保峙瀛洲瓊島峩。冥濛春色得來多。凝烟掩

映連宮闕。欲雨微茫接馭娑。待寫新題抽彩筆

先占甘澍潤嘉禾。

宸襟茂對悅心

名殿賞

五記詳披勝槩羅

春瑣陰島

萬頃

烟波盈太液。高秋蕭爽下西風。平翻浪影鷗盟

亂。遠拂雲光雁字籠。岸映菰蒲連衆綠。汀搖荷

芰褪新紅。淑清院裏涼颼滿。一葉飄飄墜井桐。

太液秋風。伏脈山根來萬嶺。清泉汨汨本源充。一

泓冰雪晶瑩澈。百斛珠璣蕩激同。屈注盈科還

就下。縈紆出澗總朝東。昆明滙澤滋田畝。千頃

都蒙利濟功。

玉泉
趵突

雲開雪霽宜窮目。西望銀

峯矗玉京層疊瑤葩風舞潔迷離瓊蕊旭輝瑩
高低積素坡陀隱遠近含滋圭璧盈盼澤正殷
紆

帝念

四郊農作恰初耕

晴雪山

春色無邊布薊門喬

林烟靄幕平原滋含新雨柔莎展光映朝霞遠
樹翻綠徧坡陀蕃宿植青敷澗壑茁陳根三陽
普洽興農事畿甸先叨

化育恩

薊門烟樹

直省朝京遵大路城標拱極據盧溝

石橋霜跡鐘音送。茅店雞聲月影流。曉霧迷離
現林角。曙霞照耀絢峯頭。邇遐瞻覲欣同軌。久
沐

皇恩洽九州

盧溝
曉月

帝京北障作屏藩。疊疊青山近塞垣。大嶺連綿倚
天闕。長城接續插雲根。翠浮羣嶂高難擬。碧遍
千峯勢若騫。畿輔迴環共嚴衛。太行厚脈鎮乾
坤。

居庸
疊翠

易水西流剩遺跡。燕昭求士築金臺。

夕陽輝下征鴻影。斜照光中野馬埃。市駿先須
得奇骨。禮賢終必獲雄才。春明紀勝存其畧。詠
古證今仰。

聖裁。

金臺夕照。

喜雨六韻。經冬未見雪。望澤日增愁。序

應春分始。

恩霑雨霈周。霏微敷砌濕。綿密壓塵浮。

聖慰田功屈。農欣穡事修。如膏翻宿麥。似醴洽新疇。

敬謝

天施佑。還祈甘澍。優漪瀾堂液池。春水足。冉冉綠
楊烟。幕歷隱遙渚。冥濛罩遠川。雲容高復下。波
影斷還連。再盼一犁雨。涵濡澤繼前。瀛臺晴
泛歌。循南岸。登寶月樓。憑眺指掌。俯皇州。皇州
春色看已滿。連雲甲第瑞氣浮。

聖製樓記包括大。落筆千言有神會。小子何須重綴
詞。便命蘭舟拂朝靄。昨宵雷雨灑軒墀。又繼郊
原霽。霖滋液池。彌望添新漲。湯湯千頃碧琉璃。

翬飛傑閣印清影。天外明霞合西嶺。春波湛綠
滴遠空。恍遊鏡中塵。璫屏。亭臺結構念前明。失
守邦基屬大清。永懷殷鑒法。

祖烈敬承

父訓思持盈。嘉慶戊午仲春中。齡御筆。鈐寶三。長春
仙館。嘉慶。

鑒藏寶璽。寶笈三編。石渠寶笈所藏。

御筆松雲摘藻 一冊

本幅紙本。摺裝十二幅。皆縱四寸三分。橫七寸。

御筆楷書。

長春仙館詩。

丙辰

賜居長春仙館恭紀。

毓德鍾祥地。年光六十過。

賜居沐長慶承。

澤應春和。孔固徵無極。斯干叶有那。開韶多喜氣。淑
霽播笙歌。節後隨安寧。

潛邸額隨安。素位存夙志。福地近百年。何幸蒙
恩賜。宵旰厘寸衷。敬仰

立言意。我靜任物來。發仁止乎義。安而不忘危。保民
凜天位。慶節侍

高年。四得八徵備。

太上功德全。禱昧愧難嗣。

含碧堂自警。衆綠被陳

根舍生遂長養。孳蕃沐和甘。清幽輝萬象。遲日照瑣窗。融融喜明朗。暖氣几席盈。陽和滿方丈。靜中東北心。曷敢片時放。我鏡燭虛靈。物烟任勞攘。九宇盡含宏。居高慎瞻仰。綠蔭軒綠蔭。夙名軒當春。普生意。中庭嘉樹繁。清陰一畝地。好鳥出谷來。枝頭呼朋類。物各樂其常。肖翹生機遂。對境有所思。所思在農事。冬雪雖優霑。春膏未蒙

賜東作方屆期土潤耕犁試關心授時初惕惕勤撫
字隨安室對雨夜半廉纖枕上聽曉來潤景
滿前庭田宜既渥符農願占叶知時感

昊靈韻夏流泉合溪綠烟含芳草入簾青土融恰利
新耕者喜氣應敷遠近垌麗景軒有會仲春
喜得雨如膏麗景天成不易遭潤透平疇盈一
尺波添曲沼漲三篙桃蹊濕霧含朱靨柳岸凝
烟拓翠條慰矣欽哉增感惕力田終歲念民勞

鳴玉溪層疊流泉穿石罅。紆迴蕩激漾清聲。
耳根疏越和琴奏。澗底琤琤戛玉鳴。練影月舍
增皎潔。穀文風送漾虛明。鍾期有志應同調。雅
操還從靜裏生。春雨既足堂前玉蘭欲放甘
膏浹。洽土酥融預料今春花事豐。嫩蕊乍含初
浥雨。柔葩欲綻不禁風。瑤華拓影臨瓊砌。素質
凝芬對綺櫳。冷節纔過芳信近。催開還藉錦旂
功。林虛桂靜口號春。林發育含生意。桂樹宜

秋漫品題自是月中常茂密。廣寒有路玉繩低。
墨池雲幕帖明窗下。雲烟裊墨池。毫端仙彩
發。紙上露華滋。硯靜詩初就。甌香心自怡。風光
修禊節。逸趣緬羲之。含碧堂玉蘭歌芳時初。
屈春三月一夜東風花暢發。森森玉樹立階庭。
渥澤飽經生意勃。瑤華拓影銀鳳棲。素月娟娟
籠閣低。姑射仙姿下貝闕。雲裾霞珮紛輕綈。後
庭漫譜霓裳曲。羽衣三疊羯鼓促。非欣花事暢。

今春所喜。今春甘雨足。古香齋虛窗對清溪。
含風碧紋卷。岸草益敷榮。餘潤分苔蘚。宴坐愛
景光。天和頤性善。匡床接古香。樂志芸編展。
鳴玉溪。溪聲日東流。汨汨漱寒玉。石瀨東淺沙。
清波幾灣緣。忘機玩水禽。傍權鷗自浴。疊疊縠
紋連。因風浪花促。欲聽泉琴鳴。靜俟新雨足。
隨安室對雨雲。氣結濃陰霏。微入土深繁。滋初
布澤暢。透願為霖。漫卜豐登兆。先紆

宵旰心渺躬增敬惕省歲寸衷欽
春澤誠深透夏

初欠渥優幸茲上旬雨稍解寸心愁撫字期無
忝籌農望有收隨安瞻額語知足仰

貽謀

嘉慶戊午孟秋山莊御筆
鈐寶二嘉慶御筆

之寶惟精惟一

鑒藏寶璽寶笈三編石渠寶笈所藏嘉慶御筆傳
心基命

御筆仙壺紀勝 一冊

本幅紙本。摺裝十二幅。皆縱三寸五分。橫七寸三分。

御筆楷書。

新春長春仙館。丁巳福地慶長春。况值新春律。承恩樂攸寧。景仰隨安室。清心鑒物來。思艱自有密。黃屋念茅茨。民隱欲詳悉。那居叶斯干。開韶萬事吉。藤影花叢。藤影當春拓。花叢待雨催。庭前

多勝賞。砌右得清陪。印月枝微布。臨風蕊漸開。
即欣生氣滿。艷麗徧亭臺。含碧堂韶華和藹。
御園覃靜驗。虛堂碧欲含。冰漸成。澌池破綠柳。
初弄影。沼拖藍。麥田佳雪滋。培厚花塢光。風次第。
探東作。始青縈念切。願敷霏霰沃根酣。頤
和書室天和頤養最安恬。一室光明旭滿簾。影
弄婆娑篁舞砌。音流下上鵲巡簷。茗調活火聲
徐沸。香惹微風篆細添。豈似昔時書屋況。得閒。

幾暇韻方拈。古香齋插架芸編富。瞻依儼過庭。古香求雅正。

聖學示儀型

寶訓期無忝。分陰驗不停。功夫在彊勉。圖治必明經。含碧堂玉蘭。藹藹艷陽節。候暖堂下玉蘭開。漸滿和風甘雨應。昌期每歲向榮發。仙館白毫光澤天葩盈。玉塔層疊如琢瓊。梨雲掩映雕欄側。銀輝一片印晶瑩。長春福地栽培久。八十餘

年

帝澤厚樹人樹木同繹思小子深懼神器守長春館
五福堂韻華佳麗四照光此花常作壽者相千
秋萬歲揚芬芳鳴玉溪泛舟數番甘雨今春
足鳴玉溪頭疊層綠淪漣新漲漾錦雲暢好擎
舟曲池曲高柳陰成面面遮柔莎相趁裙腰斜
和風輕斂渚烟淨清光直接長天涯鳴橈緩入
桃花塢點點緋英向人舞亂飄水面引遊魚幾

許餘芬爭拾取。飛花飛絮遍芳津。旋轉終為陌
上塵。達觀隨遇舟不繫。波心岸角皆前因。古
香齋觀書聽泉。插架芸編挹古香。窗明几淨展
縑緗。泉音清越階前接。松吹蕭森戶外颺。汨汨
源深性探討。泠泠韻逸耳參詳。觀書解悟觀瀾
旨。易理洗心妙退藏。憑流亭亭子憑流。俯碧
瀾。翼然獨立小巒岼。日浮錦浪翻輕縠。風疊清
漪皺素紈。燕卷晴絲紫曲檻。蝶拖落蕊過迴瀾。

潤敷仙館宜初夏。天水空明鏡裏看。詠長春

花

即月季花。御賜此名。

長春花發長春館。

聖錫嘉名卉譜添。屢沐光風隨月轉。常蒙甘雨應時
霑。蕊含夜露香盈砌。華映朝暉影到簾。色相生
生妙無盡。法王震旦手頻拈。頤和書室作飲
和食德民情豫。蹈禮依仁王道敷。欲使淳風播
海寓。其難其慎凜嘉謨。光風霽月十分春。涵
育胸中德日新。頤養天和益精粹。發仁止義化

臣民。嘉慶戊午仲秋。隨安室御筆。鈐寶二。嘉慶。

鑒藏寶璽。寶笈三編。石渠寶笈所藏。嘉慶御筆。傳心基命。

御筆幾餘點筆 一冊

本幅紙本摺裝八幅皆縱二寸四分橫五寸七分

御筆楷書

恭隨

聖駕至圓明園即事疊去歲詩韻直省同欣報有秋
蹕途多稼喜盈疇授時承

貺登嘉穀

停獮順情止庶騶雄旅心齊成偉績亂民劫盡定俘

囚日聆

庭訓殷懷保敬叩

天恩默運籌季秋御園仙館四時總長春草木黃

落漫興感生長收藏迭運行陰陽亭育舒曠覽
塞苑言歸駐御園菊吐新芳會心澹尚餘邪孽
未全消我慶師貞賊習坎題春好軒四時總
長春福地蒙

恩久名軒始丙辰。渥澤身敬受。薄海每自慙。主鬯治
九有。淳化未周敷。愚民聚邪敷。奔逃二載餘。遇
險挺而走。

天心默轉旋。綏靖除小醜。牧寧慰

父衷。仁壽培基厚。善長德為元。生育陽和首。春長
聖開先。春好予承後。欽感

昊眷深。金甌奕祺守。盆菊東籬佳。種植盆中座。右

霏香戀碧叢。偶玩幽芳非僻好。紗疏習習引商

風。秋花晚節勝春英。素蕊凌霜冷艷呈。五柳
高蹤心漫慕。怡情壽友到冬榮。嘉慶三年季
秋九日。引筠軒御筆。鈐寶二。嘉慶。

鑒藏寶璽。寶笈三編。石渠寶笈所藏。嘉慶御筆傳
心基命。

無名氏沒骨山水一軸

本幅絹本縱四尺七寸橫二尺七寸設色沒
骨畫翠巘紅蕖柳堤荷榭無款印原題黃金
坐擁拂衣紅風動荷花香動風鼻觀聞香誰
領會姮娥夜泊水晶宮宣和殿御題宣和御
押一鈐璽二宣和御書左方上有緝熙殿觀
四字鈐御書之寶半璽

鑒藏寶璽

全五璽

寶笈三編

謹按是卷舊題張僧繇畫。今攷名畫記。畫品
畫斷。諸書載僧繇事。迹甚多。皆不言工畫山
水。此軸有宣和御題。及璽押。而宣和畫譜。山
水一門。亦未列入。未知究出誰製。今姑闕疑。

綿億畫歲朝圖

一軸

本幅宣紙本。縱二尺五寸三分。橫一尺一寸三分。設色畫松竹梅款。臣綿億恭繪。鈐印二。臣綿億敬畫。

玉池

御題楷書

品彙迎韶淑氣開。熙熙麗景轉春臺。綠抽籜甲盈修竹。紅綻芳蕤徧老梅。鳳蓋鬱蔥蔭枝幹。龍

鱗瀟灑出塵埃。歲朝三友敷華始。廿四番風次第來。丁巳新正上澣御題。鈐寶二。嘉慶御筆之寶。惟精惟一。

鑒藏寶璽

全五璽

寶笈三編